

# «Id es bain uschea?»

Sairada da cabaret cun Flurin Caviezel a Strada

DAD ANNATINA FILLI / ANR

■ **«S'isch doch asò», uschè ha nom il quart program da solo da Flurin Caviezel. Il Center cultural baselgia San Niclè ha invità d'incuort ad üna sairada da cabaret illa sala polivalenta a Strada.** «Id es bain uschea» es vairamaing üna dumonda, pro Flurin Caviezel sun quai pretais ch'el maina sül palc. El nu spetta üna resposta, perche el es persvas cha tuots sun da seis avis. «L'ultima vouta ch'eu sun stat qua a Strada d'eira quai amo Tschlin, hoz as nomna il cumün Valsot», constata Caviezel. E sainz'oter nu das-chan mancar las pizchadas d'ün da Ramosch invers ils da Tschlin. Davo ün pèr cuortas episodas da si'infanzia in Engiadina Bassa e da las prümas uras da musica pro Jachen S-charplaz muossa Caviezel üna prüma vouta sia virtuosità musicala.

## Il foss dal rösti

«As mettai avant che avantags chi resultan, scha be amo ils mats frequentsan la scola», cumainza Caviezel, o apunta la figüra dal furbaz chi sa tuot megl'ider, cun üna da sias pretais. Seis nov sistem d'educaziun as nomna «Viriles-Bildungs-System» (VBS) e la scolaziun dals uffants cuostess be amo la mità.

Las duonnas füssan lura libras per bleras lavuors gratuitas e pels homens dessa avuonda plazzas da lavur ed i nu dess ingüna dischoccupaziun plü. Sper ils ulteriurs avantags familiars da quist nov sistem, declera Caviezel cha l'uman douvra be üna pitschna part da



Flurin Caviezel declera ils differents idioms rumantschs.

FOTO A. FILLI

la capacità dal tscharvè. «Minchatant stuvaina ingianar nos centrum da pensar», es el persvas. Ed adüna darcheu fa il furbaz Caviezel la dumonda: «Id es bain uschea?». Inavant blasfema'l dals Romands e da sfidas chi nu sun sfidas. Dürant la saira es il public gnü a savair co e perche cha'l foss dal rösti s'ha fuormà e cha tal es 100 meters lung e quatter meters larg. Plünavant ha'l declerà perche cha'l cumainzamaint d'avuost dal 1291 d'iran be trais homens sül Rütli per lur güramaint. Cha'ls Rumantschs d'iran eir da la partida pro la fundaziun dal pajais, ha spiegà il scort Caviezel in tuot seis detagls: «Il dret güramaint ha gnü lö in ün'ustaria ed in preschentscha da la persuna da la Rumantschia. «In che stadi cha'ls quatter protagonistas d'iran es, tenor el, istess: «Gürà es gürà. Id es bain uschea?»

## L'importanza dal rumantsch

Ün punct important dal program nov da Flurin Caviezel es la situaziun da la lingua rumantscha. L'importanza e la valur dal rumantsch in Svizra muossa Caviezel cun la seguainta rangaziun: «65.5 pertschient discorran tudais-ch, 22.8 pertschient frances, 8.4 pertschient talian e lura segua il serb, il croat, l'albanais, il portugais, il spagnöl e süll'ündeschavla plazza segua il rumantsch cun 0.6 pertschient». Ed inavant declerà'l al public cha la Svizra nun ha be quatter linguas naziunals. «Nus vain nov linguas naziunals: tudais-ch, frances, talian e ses differents rumantschs. E qua rapreschentan nus rumantschs 66.6 pertschients

da las linguas naziunals. Id es bain uschea?»

## L'ami Niculin chi nu vegn

Sco cabarettist divertischa Flurin Caviezel sulet il publicum. S'inclegia, cha seis ami Niculin chi stess eir esser preschaint, nu's tegna vi dal termin, nu chatta la via a Strada e per finir spetta'l tuot in ün oter lö. La comunicaziun tanter els duos segua, sco chi tocca, per telefonin. Niculin vess d'iran il program duos solos da giun. Per Caviezel, sco virtuos musical, nun es quista situaziun ingün problem. Cün ün o l'oter instrumaint surpiglia el gugent la part da seis ami. Dürant il program suna'l intuot 14 instrumaints in formats pitschens. Il plü pitschen instrumaint nu's vezza bod gnanca in seis mans e la tüba es seis plü grond instrumaint.

Flurin Caviezel nun es be ün excellent musicant: el müda d'iran la saira adüna darcheu dal tudais-ch i'l rumantsch e muossa eir cha'l ha bunas cugnuschentschas eir dad otras linguas. «Il fil cotschan da quist program sun nossas quatter linguas naziunals», ha dit Flurin Caviezel invers l'anr. Tenor el douvra quai bler temp per cha uschè ün cabaret as possa svilupar. «Eu scriv il text e la musica e lura preschaint'eu quai a meis redschissur Paul Weibel», ha'l manzunà. Caviezel adatta seis program cun improvisaziuns a las actualitats regiunals e naziunals. El ha il dun da far üna buna misculanza tanter exageraziuns e la vardà. «La realità satirica surpasa adüna darcheu la comica. Id es bain uschea?»

RTR Radiotelevisiun Svizra Rumantscha

SRG SSR

## RADIO

### 10.15 RADIONOVELA

Vita capita – episodio 716  
Nua è Tina?



Portas serradas spetgan Martin e Jöri cura ch'el vulesan atgnamain ir al café da las nov. Tge è pomai cun Tina? Èsi capità insatge?  
Redacziun: Michel Decurtins

### 14.03 ARTG MUSICAL

Musica instrumentala d'Engiadina Bassa



«Daspö il 1870 s'han fuormadas in Engiadina Bassa pitschnas gruppas da musicas da cumün chi s'han sviluppadas a societats da musica cun 25 fin 35 commembers», quai san ins leger en la broschura da l'exposiziun «Ferm tabac» che ha lieu en il Museum Stamparia a Strada. Ella mussa il svilup da la musica instrumentala e populara da l'Engiadina Bassa e quai da sias entschattas enfin oz. Ensemen cun il concepider Duri Janet

ha l'Artg musical fatg viadi tras questa exposiziun speziala. L'emprima part tracta la musica instrumentala.  
Redacziun: Giuseppe G. Decurtins

### 15.03 LAS PERLAS (REP.)

Ils hits d'avant 50 onns!

L'onni 1965 è stà in onni cardinal en la musica pop. Qua be in pèr chavazzins: «I Cant Get No Satisfaction», «Help!», «Like a Rolling Stone», «I Got You Babe»



- tut quellas ed anc dapli melodias ch'han conquistà las paradas mundialas d'avant in mez tschientaner èn d'udir en la rimnada da Las perlas.  
Redacziun: Benedetto Vigne

### 19.00 LA STAILALVA

Hits dal schlagher popular

Oz tadlain nus in triep melodias enconuscentas dals davos 5 onns. L'entschatta fan ils Klostertalers cun in da lur davos



hits «Auf das Leben». Plinavant tadlain nus Marc Pircher cun «Alles wird gut», la ballada «Färnweh» da Franz Arnold,

naturalmain era «I sing a Liad für di» dad Andreas Gabalier na dastga betg mancar.  
Redacziun: Christa Soliva

### 20.03 MAGAZIN DA CULTURA (REP.)

Jazz – Haltinner preschenta il saxofonist Oliver Nelson



Il saxofonist Mario Haltinner ha fatg la schelta da la musica da quest magazin da cultura che ha durant il temp da stad il jazz. El è sa decidì per Oliver Nelson, saxofonist, cumponist ed arranschader. Oravant tut l'album «The blues and the Abstract Truth» vala sco in dals muments impurtants en la carriera da Nelson. Nus preschentan dentant era tocs ch'el ha arranschà per auters musicists.  
Red.: Mario Haltinner & Esther Berther

## RADIO RUMANTSCH

06.00 Novitads  
06.06 Actual la damaun  
06.30 Novitads  
06.40 Impuls dal di cun Fadrina Hofmann  
06.50 Revista da medias/Meteo  
07.00 Novitads  
07.06 Actual la damaun  
07.30 Novitads  
07.40 Kikeri6  
07.50 Revista da medias/Meteo  
08.00 Novitads  
08.06 Actual la damaun  
08.30 Novitads  
08.40 Il chavazzin dal di  
09.00 Novitads  
09.05 La cuppina  
09.15 Chalender  
09.30 La truvaglia  
09.45 Tge chaussas  
10.00 Novitads  
10.15 Radionovela  
10.30 Famus e glorius  
10.55 Rep. Impuls dal di  
11.00 Novitads  
11.03 Actual da mezdi  
11.15 Co e cum  
11.30 Novitads  
11.45 Total local  
12.00 Novitads

12.06 Actual da mezdi e RTR cumpact a mezdi  
12.25 Prevista Telesguard  
12.30 SRF Rendez-vous  
13.00 Las gratulaziuns  
14.00 Novitads  
14.03 Rep. Artg musical  
15.00 Novitads  
15.03 Rep. Las perlas  
16.00 Novitads  
16.03 Sempverves / Top 3  
16.30 Program da kino  
16.50 Prevista Telesguard  
17.00 Novitads  
17.06 Actual la saira  
17.50 Meteo  
18.00 Novitads  
18.06 RTR cumpact – survista dal di  
18.15 SRF Echo der Zeit  
19.00 La stailalva  
20.00 Novitads  
20.03 Rep. Magazin da cultura  
21.00 Novitads  
21.03 Musica  
22.00 Novitads  
22.03 Musica  
23.00 Novitads  
23.03 Grischun sonor

### «MES VITG ED JAU» – CUN PRISCA BUNDI A MEDEL



«Far da Medel», quai è ina locuziun ch'ins dovra savens en Surselva, e che munta far cumplitgà u far insatge tup. Ma danunder vegn questa locuziun? E tge datti uschigliu anc da savair dals bun 400 Medelins e lur val sisum dal tut da la Surselva?

Prisca Bundi è creschida si «enta Medel» e rapporta durant in'emna da sia patria.

Mes vitg ed jau, mintga di a las 11.45 al Radio Rumantsch e sin [www.rtr.ch](http://www.rtr.ch)

